



অবিলম্বে প্রকাশের উদ্দেশ্যে: 11/8/2023

গভর্নর ক্যাথি হোকল

গভর্নর হোকল ক্রম কাউন্টিতে 27 ইউনিটের সমর্থক হাউজিং ডেভেলপমেন্টের কাজ শেষ হওয়ার ঘোষণা করলেন

পূর্বে গৃহহীন থাকা ব্যক্তি ও পরিবারের জন্য চারটি অবস্থানে 27টি অ্যাপার্টমেন্ট তৈরি করতে ভবনের পুনর্বাসন

গৃহহীন আবাসন ও সহায়তা কর্মসূচি 7.5 মিলিয়ন মার্কিন ডলার স্টেট মূলধন তহবিল প্রদান করে

গভর্নর ক্যাথি হোকল আজকে বিংহ্যামটনের চারটি সাইটে 27টি অ্যাপার্টমেন্টের শুভ উদ্বোধন ঘোষণা করেন যা পূর্বে গৃহহীন থাকা পরিবার ও ব্যক্তির জন্য সমর্থক আবাসন প্রদান করবে। গ্রেটার অপর্চুনিটিজ ফর ক্রম অ্যান্ড শেনাঙ্গ, ইনকর্পোরেটেডের (Greater Opportunities for Broome and Chenango, Inc.) 8.1 মিলিয়ন মার্কিন ডলারের ডেভেলপমেন্টটিতে রয়েছে চারটি ভবনের পুনর্বাসন এবং এটি অস্থায়ী ও অক্ষমতা সহায়তা অফিসের (Office of Temporary and Disability Assistance, OTDA) গৃহহীন আবাসন ও সহায়তা কর্মসূচি (Homeless Housing and Assistance Program) কর্তৃক প্রদত্ত স্টেট তহবিল দ্বারা ব্যাপকভাবে সমর্থিত হয়েছে।

"বাসিন্দাদের জন্য র‌্যাপঅ্যারাউন্ড সেবাসহ নিরাপদ, স্থিতিশীল ও সাশ্রয়ী আবাসন প্রদান করার মাধ্যমে নতুন এই 27টি অ্যাপার্টমেন্ট বিংহ্যামটন এবং আশেপাশের এলাকায় সম্প্রদায়ের চাহিদা পূরণ করতে এবং গৃহহীনতার সমাধান করতে সাহায্য করবে," **গভর্নর হোকল বলেন।** "আমরা জানি যে আমাদের সবথেকে দুর্বল কিছু বাসিন্দাদের জন্য যথাযথভাবে আবাসন প্রদান করতে ইট পাথরের বেশি কিছু প্রয়োজন রয়েছে এবং স্টেটের চলমান আবাসন সঙ্কটের সমাধান করতে আমাদের প্রয়াসের একটি গুরুত্বপূর্ণ অংশ হলো সমর্থক আবাসনের মজুত সম্প্রসারিত করা।"

গ্রেটার অপর্চুনিটিজের এই ডেভেলপমেন্টটি গভর্নর হোকলের 25 বিলিয়ন মার্কিন ডলারের সার্বিক আবাসন পরিকল্পনার (Housing Plan) সম্পূরক, যা পুরো নিউ ইয়র্কে 100,000 সাশ্রয়ী বাসা তৈরি ও সংরক্ষণ করবে, যার মধ্যে দুর্বল জনগোষ্ঠীর জন্য সমর্থক সেবাসহ 10,000 ইউনিট থাকবে, সেই সাথে অতিরিক্ত 50,000 বাসার বৈদ্যুতিকরণ করা হবে।

নির্মাণকাজের মধ্যে ছিলো চারটি ভবনের প্রতিটির বিস্তৃত সংস্কার এবং বিংহ্যামটনের 39-49 Munsell Street, 22 Moffat Avenue, 22 Way Street, এবং 4 Sturges Street 27টি নতুন স্থায়ী সমর্থক অ্যাপার্টমেন্ট তৈরি করা হয়। প্রকল্পটি গৃহহীনতার মধ্যে দিয়ে যাওয়া ব্যক্তিদের সেবাদান করবে, যাদের মধ্যে মানসিকভাবে মারাত্মক অসুস্থ, পূর্বে কারাবন্দী থাকা ব্যক্তি, ভেটেরান, তরুণ প্রাপ্তবয়স্ক এবং ফস্টার কেয়ারে প্রাপ্তবয়স্ক হওয়া কমবয়সীরা থাকবে। প্রদত্ত সমর্থক সেবার মধ্যে রয়েছে কেস ব্যবস্থাপনা, জীবনের দক্ষতার শিক্ষা ও প্রশিক্ষণ, চাকরির দক্ষতার প্রশিক্ষণ, বাজেট করা, শিক্ষা, পরিবহন, এবং সামাজিক/আবেগিক সুস্থতা।

এই প্রকল্পের তহবিলের মধ্যে রয়েছে গৃহহীন আবাসন ও সহায়তা কর্মসূচি প্রদত্ত 7.5 মিলিয়ন মার্কিন ডলার এবং বিংহ্যামটন সিটি থেকে পাওয়া 500,000 মার্কিন ডলারের বেশি অর্থ। OTDA এর মাধ্যমে এম্পায়ার স্টেট সমর্থক আবাসন উদ্যোগ (Empire State Supportive Housing Initiative) এর পরিচালনা তহবিল প্রদান করবে।

গৃহহীনদের আবাসন সহায়তা কর্মসূচিটি লাভের উদ্দেশ্যহীন কর্পোরেশন, দাতব্য ও ধর্মীয় সংগঠন ও পৌরসভাগুলিকে সেই সকল মানুষের জন্য বাসস্থান অর্জন, নির্মাণ করতে বা পুনর্বাসন দিতে মূলধনী অনুদান ও ঋণ প্রদান করে যারা বিশেষ সহায়তা ছাড়া পর্যাপ্ত বাসস্থান পেতে অক্ষম। OTDA এর কর্মীদের পরিচালিত একটি পাবলিক বেনিফিট কর্পোরেশন, নিউ ইয়র্ক স্টেট গৃহহীন আবাসন ও সহায়তা কর্পোরেশনের (New York State Homeless Housing and Assistance Corporation) পরিচালিত একটি প্রতিযোগিতামূলক প্রক্রিয়ার মাধ্যমে অনুদান প্রদান করা হয়েছে।

**নিউ ইয়র্ক স্টেট অস্থায়ী ও অক্ষমতা সহায়তা অফিসের ভারপ্রাপ্ত কমিশনার বারবারা সি. গুইন বলেন,** "এই বছর সাইটের প্রকল্পের কাজ শেষ হওয়ার ফলে বিংহ্যামটনে অতি প্রয়োজনীয় সমর্থক আবাসন প্রদান করা যাবে, যা গৃহহীনতার মধ্যে দিয়ে যাওয়া পরিবার ও ব্যক্তিদের জীবন স্থিতিশীল করতে সাহায্য করবে এবং একই সাথে তাদের স্বাধীনভাবে বসবাস করতে সাহায্য করার সেবা প্রদান করবে। এই ডেভেলপমেন্টের সফল সমাপ্তির জন্য বিংহ্যামটন সিটি ও গ্রেটার অপার্চুনিটিজ ফর ক্রম অ্যান্ড শেনাঙ্গের আমাদের অংশীদারদেরকে আমরা অভিনন্দন জানাচ্ছি।"

**স্টেট সিনেটর লিয়া ওয়েব বলেন,** "নিরাপদ ও সাশ্রয়ী আবাসনের সুযোগ পাওয়া হলো পুরো সাউদার্ন টিয়ারে আমাদের সবথেকে কঠিন সমস্যাগুলির একটি। ক্রম কাউন্টিতে আমাদের সর্বাধিক দুর্বল কিছু পরিবারের স্থায়ী সমর্থক আবাসনের চলমান চাহিদার কিছুটা পূরণ করতে এই প্রকল্পটি আমাদেরকে সাহায্য করবে। এই প্রকল্পকে বাস্তবায়ন করার জন্য গৃহহীন আবাসন ও সহায়তা কর্মসূচির মাধ্যমে 7.5 মিলিয়ন মার্কিন ডলার স্টেট তহবিল প্রদান করার জন্য গভর্নর হোকল এবং OTDA কে আমার ধন্যবাদ। সমর্থক আবাসন উদ্যোগসমূহের জন্য আরো সমতার সংস্থান প্রদান করা আমাদেরকে অবশ্যই অব্যাহত রাখতে হবে।"

**অ্যাসেম্বলি সদস্য ডোনা লুপার্ডো বলেন,** "এই হাউজিং ডেভেলপমেন্টটি বিংহ্যামটন সিটির সেই অংশের জন্য একটি স্বাগত সংযোজন যেখানে দীর্ঘদিন ধরে অভীষ্ট সমর্থন ও মনোযোগের প্রয়োজন ছিলো। আমরা একটি আবাসন ও গৃহহীনতার সঙ্কটের মধ্যে দিয়ে যাচ্ছি যার জন্য

এমন প্রকল্পের মাধ্যমে মনোযোগ ও পদক্ষেপ প্রয়োজন। গ্রেটার অপর্চুনিটিজ ফর ব্রুম অ্যান্ড শেনাঙ্গ, OTDA, এবং বিংহ্যামটন সিটিকে তাদের সমন্বিত প্রয়াসের জন্য আমি আন্তরিকভাবে ধন্যবাদ জানাতে চাই। এবং আমাদের সম্প্রদায়ের সর্বাধিক দুর্বল সম্প্রদায়ের জন্য সহায়তা অন্তর্ভুক্ত করে এমন একটি আবাসন পরিকল্পনার প্রচার করার জন্য গভর্নরকেও ধন্যবাদ জানাচ্ছি।"

**বিংহ্যামটন সিটির মেয়র জ্যারেড ক্রাহাম বলেন,** "স্টেটব্যাপী সাশ্রয়ী আবাসন সঙ্কট সমাধানে বাস্তব অগ্রগতি করতে কীভাবে পুরো নিউ ইয়র্ক স্টেটের মিউনিসিপ্যালিটিগুলি অংশীদারদের সাথে একত্রে কাজ করতে পারে তার একটি আদর্শ এই প্রকল্প। নিউ ইয়র্ক স্টেট এবং বিংহ্যামটন সিটির সমর্থন নিয়ে গ্রেটার অপর্চুনিটিজ আমাদের এলাকার সবথেকে মন্দ চারটি দৃষ্টিকটু ভবনকে রূপান্তরিত করে সম্প্রদায়ের যেই সদস্যদের প্রয়োজন সর্বাধিক তাদের জন্য সমর্থক আবাসন তৈরি করেছে। সাশ্রয়ী আবাসন সমস্যার বাস্তব সমাধান প্রদান করতে এবং আমাদের সম্প্রদায়ের ভবিষ্যতে বিনিয়োগ করার জন্য বিংহ্যামটন নেতৃত্ব প্রদান করে যাবে।"

**গ্রেটার অপর্চুনিটিজ ফর ব্রুম অ্যান্ড শেনাঙ্গ, ইনকর্পোরেটেডের প্রধান নির্বাহী কর্মকর্তা মার্ক সিলভানিক বলেন,** "আমাদের সম্প্রদায়ের চাহিদা পূরণ করার জন্য নিরাপদ ও সাশ্রয়ী আবাসন বৃদ্ধি করতে গ্রেটার অপর্চুনিটিজ অব্যাহতভাবে কাজ করেছে। উন্নত আবাসন মজুত পরিবারের জন্য স্থিতিশীলতা নিয়ে আসে, সম্প্রদায়ের সম্পদ বৃদ্ধি করে, এবং একটি ইতিবাচক অর্থনৈতিক প্রভাব তৈরি করে।"

###

আরো সংবাদ এখানে পাওয়া যাবে এখানে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

[আনসাবস্কাইব করুন](#)